

佛說徧照般若波羅蜜經

宋西天三藏朝散大夫試鴻臚卿傳法大師施護奉 詔譯

如是我聞一時世尊得一切如來金剛三昧
智得一切如來種種具足最上寶冠得一切
如來大自在相應金剛智受三界灌頂一切
令九如來智印乃至圓滿一切衆生所欲之願種
十七種變化大明平等智慧此大毗盧遮那常住
三世平等一切如來金剛身語意業稱讚一
切如來爾時世尊住欲界他化自在天宮而
此宮殿以種種妙色大摩尼寶種種真珠瓔

珞種種幢幡寶蓋懸掛種種寶鈴如是具足
一切莊嚴有菩薩摩訶薩衆其名曰金剛手
菩薩觀自在菩薩虛空藏菩薩金剛拳菩薩
發同心轉法輪菩薩誡誡曩嚧惹菩薩破一
切魔王菩薩文殊師利菩薩如是等六十八
俱胝菩薩摩訶薩衆恭敬圍繞而爲說法初
善中善後善其義深遠其語巧妙純一無雜
具足清白宣說菩薩一切清淨法門若諸有
情於欲清淨是菩薩故愛纏清淨是菩薩故
一切行清淨是菩薩故見性清淨是菩薩故

愛樂清淨是菩薩故貪清淨是菩薩故瞋清淨是菩薩故癡清淨是菩薩故藏清淨是菩薩故文字清淨是菩薩故意樂清淨是菩薩故觀清淨是菩薩故身清淨是菩薩故語清淨是菩薩故意清淨是菩薩故色清淨是菩薩故聲清淨是菩薩故香清淨是菩薩故味清淨是菩薩故觸清淨是菩薩故於意云何一切法自性空自性清淨般若波羅蜜亦自性空自性清淨佛告金剛手菩薩於此般若波羅蜜一切清淨法門有秘密卽字攝盡一

切法佛告金剛手菩薩一切清淨法門般若波羅蜜若人於此聽受讀誦彼人即入菩提道場所有業障報障煩惱障地獄惡趣及一切蓋纏皆悉不生一切苦惱皆悉滅盡若復有人日日受持讀誦一心思惟彼人現生得一切法平等金剛三昧得一切自在愛樂安樂入菩薩位速證佛果是故得名持金剛佛如是所說一切法行攝入秘密卽字義門爾時徧照如來告金剛手菩薩此般若波羅蜜經說一切如來寂法菩提所謂金剛平等菩

提金剛堅固義平等菩提一義法堅等菩提
一切法自性清淨菩提皆是大菩提能除
切妄想等若有人聽受讀誦恭敬供養所有
一切罪障皆得消除乃至得坐菩提道場速
證阿耨多羅三藐三菩提如是所說一切法
行攝入祕密盜字義門爾時釋迦如來為調
伏一切惡說一切法平等最勝般若波羅蜜
經貪所戲論應見其貪癡所戲論應見其癡
一切法戲論應見一切法般若波羅蜜應如
是知如是所說一切法行攝入祕密盜字義

門佛告金剛手菩薩若有人於此般若波羅
蜜聽聞受持讀誦憶念假使彼人殺盜三界
一切衆生彼所造罪無量無邊以此持誦功
德之力速得消除當證阿耨多羅三藐三菩
提如是所說一切法行攝入祕密呼字義門
令十九
爾時自性清淨如來復說一切法聚集觀自
在智印般若波羅蜜經世間一切貪清淨故
一切瞋清淨一切垢清淨一切罪清淨一切
衆生清淨一切法清淨一切智清淨般若波
羅蜜清淨佛告金剛手菩薩若有人於此般

若波羅蜜聽聞受持讀誦憶念彼人雖在一
切貪欲泥中貪欲煩惱而不能染如紅蓮華
淤泥不著故如是不久當成阿耨多羅三藐
三菩提爾時一切三界主如來說一切如來
灌頂生智藏般若波羅蜜經若施灌頂當得
三界之內一切王身若施利行當得所欲之
願一切圓滿若以法施速證一切平等之法
若以財施於身口意一切快樂如是所說一
切法行攝入祕密怛覽字義門爾時得一切
智印常持一切密法如來說一切如來住金

剛智印般若波羅蜜經若受一切如來身印
即成就一切如來若諸語印即成就一切法
門若受心印即成就一切三摩地若受金剛
印即成就一切如來最上金剛身口意業佛
告金剛手菩薩若有人於此經中聽聞受持
讀誦思惟彼人速成就具足富貴速得成就
金剛身口意密不久證成最上阿耨多羅三
藐三菩提如是所說一切法行攝入祕密惡
字義門爾時一切法戲論如來說轉輪字般
若波羅蜜經一切法無性故無相一切法無

相故無作無作故無願無願故一切法本來
清淨般若波羅蜜清淨如是所說一切法行
攝入祕密暗字義門爾時一切內輪如來說
入大輪般若波羅蜜經若入金剛平等故亦
得入一切如來輪若入利金剛平等故亦得
入一切大菩薩輪若入法平等故亦得入一
切法輪若入一切平等故亦得入一切輪如
是所說一切法行攝入祕密覽字義門爾時
一切供養儀廣大生如來說一切如來最上
供養般若波羅蜜經發菩提心廣伸供養一

切如來救度一切衆生令受一切如來妙法
書寫供養受持讀誦復得一切如來廣大供
養如是所說一切法行攝入祕密暗字義門
爾時平等調伏一切如來說金剛手調伏一
切衆生正智藏般若波羅蜜經說一切衆生
平等故瞋亦平等一切衆生調伏故瞋亦調
伏一切法平等故瞋亦平等一切衆生平等
故金剛亦平等於意云何爲菩提故如是調
伏一切衆生如是所說一切法行攝入祕密
憾字義門爾時住一切法平等如來說最上

一切法平等般若波羅蜜經說一切平等故
般若波羅蜜亦平等一切利故般若波羅蜜
亦利一切法故般若波羅蜜亦法一切業故
般若波羅蜜亦業如是所說一切法行攝入
秘密訖凌字義門爾時世主如來說一切衆
命九生住般若波羅蜜經一切衆生如來藏即普
賢大菩薩藏一切自性故即金剛藏金剛灌
頂故即法藏轉一切語故即業藏作一切方
便事故如是所說一切法行攝入秘密訖凌
字義門爾時無量無邊究竟如來住無邊究

竟法說一切法住平等究竟金剛般若波羅
蜜經般若波羅蜜無邊故一切如來亦無邊
一切如來無邊故般若波羅蜜亦無邊乃至
般若波羅蜜如一故一切法如一般若波羅
蜜究竟故一切法亦究竟佛告金剛手菩薩
若有人於此般若波羅蜜聽聞受持讀誦憶
念彼人得入究竟清淨菩薩行位一切蓋障
究竟不生即得名為持金剛如來如是所說
一切法行攝入秘密毗焰字義門爾時大徧
照如來得一切如來秘密法悟一切戲論法

說大樂不空金剛三昧平等般若波羅蜜經
最上法門本來無物無上中下若能成就一
切如來菩提法樂降伏魔怨三界自在乃至
救度一切衆生令得最上利樂是即名為大
地菩薩如是所說一切法行攝入秘密婆釁
字義門復次金剛手菩薩彼大菩薩乃至住
在輪迴亦作一切利益度諸衆生令住方便
智慧所作事業悉得清淨貪欲煩惱皆不能
侵如蓮在水淤泥非染自在安樂堅固不退
如是所說一切法行攝入秘密賀字義門復

次金剛手菩薩若人於此般若波羅蜜經正
心思惟日日讀誦乃至隨喜聽聞是人得一
切快樂復能成就金剛三昧不空大樂如是
所說一切法行攝入秘密吽字義門爾時世
尊徧照如來白金剛手大秘密主言我今復
說二十五種般若波羅蜜秘密法門汝今諦
聽真言曰
唵引曩謨薩哩嚩合沒馱冒地薩埵喃引
唵引冒地唧多縛日哩合唵引蘇囉多娑
怛釁合唵引三滿多跋捺囉合左哩也合

尾部摩你 唵引阿你嚕提 唵引惹引底
尾縛哩帝^{二合} 唵引摩賀引囉引誡達哩
彌^{二合} 唵引尾哩也^{二合} 迦縛唧^{去聲} 唵引
薩哩縛^{二合} 誡引彌 唵引縛日囉^{二合} 捺哩^{二合}
茶迦縛左唧帝^引 唵引薩哩縛^{二合} 怛
他^引 誡帝^引 唵引莎婆^引 縛戍提 唵引
達哩摩^{二合} 多^引 倪也^{二合} 曩尾戍馱 唵引迦
哩摩^{二合} 尾輸達你^引 唵引你遜婆縛日
哩^{二合} 尼吽^{音半} 唵引迦^引 摩囉^引 擬
唵^引 惹引賀縛日哩^{二合} 唵引薩哩縛^{二合}

那^引 曳你 唵引紇凌^{二合} 唵引阿迦^引 囉
目契^{去聲} 唵引鉢囉^{二合} 倪也^{二合} 波^引 囉彌帝
引惹敢^引 昂^引 唵引盎 唵引薩哩縛
怛他^引 誡多迦^引 野誡哩^{二合} 唵引薩
哩縛^{二合} 怛他^引 誡多縛^引 尾輸馱你 唵引
薩哩縛^{二合} 怛他^引 誡多^九 唧多縛^三 日哩^{二合} 阿
羣 唵引三尾^引 誡野薩哩縛^{二合} 薩埵喃謨
叉野薩哩縛^{二合} 播^引 野誡帝^引 毗也^{二合} 薩哩
縛^{二合} 三摩野縛日囉^{二合} 吽怛囉^{二合} 吒^引 音
爾時世尊說此真言已告金剛手菩薩言如

是印呪能破一切罪暗能作一切吉祥一切
如來金剛祕密最上成就若人得此持誦聽
聞是即名爲持金剛清淨如來若有衆生於
此般若波羅蜜經受持讀誦隨喜聽聞是人
已曾於無量佛所種諸善根植衆德本復次
金剛手菩薩若人聞此般若波羅蜜經一四
句偈得八萬俱胝那由他恒河沙等如來恭
敬供養何況解義爲他演說彼人持經之處
如佛塔廟一切天人阿脩羅等恒來作禮若
人流通此經展轉讀誦獲宿命智能知過去

俱胝劫事一切衆魔諸惡患難皆不能侵常
有四大天王及諸賢聖而作衛護彼人臨命
終時心不顛倒一切諸佛及大菩薩俱來迎
接十方淨土隨意往生復次金剛手菩薩如
是般若波羅蜜經聖要法門成就如是最上
法行勝妙功德佛說是經已金剛手菩薩摩
訶薩及天人阿脩羅乾闥婆等皆大歡喜信
受奉行

佛說徧照般若波羅蜜經

永樂北藏

遍照般若波羅蜜經

第六八冊

音釋

翳於計切 脅迄業切 澆他計切 唾吐卧切
聲謨交切 嚙語偃切 鎗年含切